

بالجمله محررات در سعادت پوسته خانه سته
تصوف جریده سی نامنه کوندر لیلیدر.

قوطلو نومروس سی ۱۴۳

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

تصوف

صاحب امتیاز و سر محرری
اورفه مبعوثی

شیخ صفوت

مرکز توزیعی باب عالی جاده سندم
جمعیت کتبخانه سیدر

نسخه سی ۲۰ پاره در

التصوف کله آداب : ابوحنفص عمر بن مسلمه

عرفای امتک مقالات عارفانه لرینه تصوفک حقیقه لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم عجله معنویه در

اكتناه و اتباع ايدلرك شاهراه ترقیده نائل سرمئزل
مقصود اوله جقلى طبعيدر. نصوص قرآنيه ك جسم
ملته قارشو روح مثابه سنده بولنديغنى ادراك ايدمه يانلده
قارشو (تعاونوا.....) كذلک (واعتصموا بحبل الله جميعا
ولا تفرقوا) آيات جليله ي كى ايكي شاهد عادلک ارايه سى
كافى و وافيدير. صحائف تاريخيه ي مطالعه ايدنلرك معلومى
اولديغنى اوزره شمس تابان اسلاميتك شرف طلوعندن
مقدم طائفة عرب عشاير عديده و قبائل كثيره يه منقسم
اولغله برابر آبا واجدادلرندن توارث ايدن بغض و عداوت
سائقه سيله دمادم غارات جاهليه و محاربات دمويهرلى
نقصان اولمز. و ارقسى آلتقى بينلنمز ايدى. اصلاح
حالىرى كائل برقانون الهى نابود و استقبالىرى تأمينه
شايان اوله جق بردستور مباهي مفقود ايدى. سوي
اخلاق، طبيعت ثانيه حكمنى آلمش و فقر و احتياج نقطه
جكرلرینه كار ايتمش اولان او وحشى انسانلر او انسان
شكلمده اولان جانورلر سيد كائنات و مفخر موجودات
عليه افضل التحيات افندمن حضرتلرینه ايمان و اتساب
و ماء الحيوه شريعت اوزرنده كى اجتماع و اتصافلىرى
سايه سنده و آز برمدت ظرفنده كره ارضك هرجهتمده
اركان عدل و انسانيتى تأسيسه باشلديلر. انوار مدنيت
و حقايتك نشر و تعميمه مبادرت اينديلر. اعتقاد صحيحه
توحيد ايله منور و كال عز و شرفله وجوده كلان بر
حكومت فاضله ايله مبشر اولديلر. عالم اسلاميتك مبداء
نوسيع و تعاليسى بوصورتله مؤسس اولديغنى كى ايجنده
بولنديغمز دوردلراي حريتك دخی ادامه فيض و برکتى
شبه سز اخوان دينك يكديكريسه مربوطيقى و خالصاً
لوجه الله اولان كال القت و محبتى يوزندن حاصل اوله .
بيله جكى شبه سزدر. مائده احسان الهيه صدر اولده بولنان
ملت اسلاميه يه منحصر اولموب شريعت مطهره احمديه يه
اتباع ايلين بالمله طوائف اسلاميه نك او كى عنايه
صمدانيه نك بكمالها حصه مند اوله بيله جكلىرى (ان تضرروا الله
يضركم) آيت جليله سيله ثابت و مبرهندير.

مقدسه يي متضمن مقالات مرشدانه ليله تصوفى منتدار
بيورمده درلر سائر علمای دين و مشايخ كمين حضر اتندن
دخی بومئلو آثار جليله نك اهداسى استظارنده بولنديغمزى
كال افتخار ايله عرض و بيان ايلرز .



شيخ اسعد افندى حضرتلر نيك مقاله سى

حق جل و علا حضرتلرى كلام قديمنده (ولقد
كرمنا بنى آدم) آيت كرمه سنى فرمان بيورمشدر .
عجا بومكرم بنى آدم دن مراد كيمدره آب و كلدن مركب
برجسم ماديدير، قوه ناطقه ايله جنس حيواندن تمايز
ايتمش نوع انسانيدير. حاشا بود كلدر. زيرا سمندسركش
نفسك عذق فضايغنى اطلاق ايدوب تجاوزات نامشروعده
سيله شاهد نازنين شريعت و محبوب قلوب طريقتى پايمال
ايدن شہوات سفليه سخاى اصلا مكرم اوله ماز. ارباب
عرفان و اصحاب وجدان نظرنده بر شخص نادانن بشقه
برنام ايله ياد اوله ماز. مكرم اطلاقنه شايان اوله جق بنى
آدم آنجق تعليم نفس و تهذيب اخلاق ايله تزئين ظاهر
و باطن ايدن خادمان سر ابرده شريعت و محرمان نازنينان
طريقت اولان بختياران امتددر. معلوم اولديغنى اوزره
انسانلرى نائل سعادت ايلك ايجون جناب خالق عظيم
و فاطر حكيم جل شانہ حضرتلرى هر برعصرك حال و
شانيله موافق و هر برقرنك ايجابات زمانه سيله متناسب بر
بنى محترم و ياخود بر رسول محتشم ارسال بيورممش
اولديغنى او ذات شريفه توديع بيورلمش اولان احكام
جليله الهيه يه اتباع ايدنلرك مقامات عاليه يه ارتقاده
بولنديقلرى مسلم اولديغنى كى خاتم الانبياء و المرسلين مظهر
(وما ارسلناك الا رحمة للعالمين) افنديمز حضرتلرى دخی
شريعت و طريقت مطهره سيله برابر مكارم اخلاقى تقيم
و محاسن اوصافى تعليم كى بر مقصد علوى اوزرینه ابتداء
قوللرى ايجون احسان و ايعاث بيوردى. سعادت بشریه
نك اس الاساسى و مدنيت مطلوبه نك روح الارواحى
مثابه سنده بولنان نصوص قرآنيه و احكام جليله فرقانيه يي